




ԵԳԻՊՏՈՍԻ ՀԱՅՈՑ ԱՌԱՋՆՈՐԴ ՀՈԳԵԼՈՒՅՍ Տ. ԹՈՐԳՈՄ
ԵՊԻՍԿՈՊՈՍ ԳՈՒՇԱԿՅԱՆԻ ՈՂՋՈՒՅՆԻ ԳԻՐԸ Տ. ԳԵՎՈՐԳ
Ե ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՄԱՅՐ ԱԹՈՌ
Ս. ԷԶՄԻԱՇՆՈՒՄ ԳԵՐԱԳՈՒՅՆ ՀՈԳԵՎՈՐ ԽՈՐՀՈՐԴ
ՀԱՍՏԱՏԵԼՈՒ ԱՌԹԻՎ

ՆՈՐԻՆ ՍՈՒՐԲ ՕԾՈՒԹԻՆ
ՏԵԱՌՆ ՏԵԱՌՆ ԳԵՈՐԳԱՅ Ե.
ՍՐԲԱԶՆԱԳՈՅՆ ԿԱԹՈՂԻԿՈՍԻ,
ԵՊԻՍԿՈՊՈՍԱՊԵՏԻՆ ՄԵՐՈՅ ԵՒ ՊԱՏՈՒԱԿԱՆ
ՀԱՅՐԱՊԵՏԻՆ ԱՄԵՆԱՅՆ ՀԱՅՈՑ

Ի. Ս. ԷԶՄԻԱՇԻՆ

Որդիական ակնածանօք և համբուրիս Ս. Աջոյն.

Վեհափառ Տէր հոգևոր,

Սրբատառ կոնդակ Հօրդ. հանուրց Հայաստանեայցս, թուագրեալն ի 1
Յունուարի այսր ամի, որ առբերէր մեզ վաւետիս նորոգ հաստատութեան Գե-
րագոյն Հոգևոր Խորհրդոյ Մայր Աթոռոյ Սրբոյ Էջմիածնի՝ ըստ ոգւոյ և օրինաց
Սրբոյ Եկեղեցոյս մերոյ, անագան ուրեմն հասեալ ի ձեռս մեր 19 Փետրուարի,
տուաք ընթեռնուլ զնա նախ յատենի թեմական ժողովոյ վիճակիս, և ապա ի
տաճարի Ս. Աստուածածին եկեղեցոյ քաղաքիս յունկն ամենայն հաւատացելոց
ժողովելոց ի նմին՝ յերեկոյի Ծաղկապարդի Կիւրակէին:

Մեք և որք ընդ մեզ են՝ եղբարք, պաշտօնեայք և ժողովուրդ ուխտի Առա-
քելական Սրբոյ Եկեղեցոյս, ամենեքեան շնորհ ունիմք զԱստուծոյ Ամենակա-
լէն, զի ընդ ապատութեան Հայրենեաց մերոց պարգևեաց մեզ և զապատութիւն

Եկեղեցւոյ, որպէսզի տացի մեզ յայսմիտէ վարիլ բնիկ օրինօք և կանոնիւք ազգի մերոյ և կրօնի, որպէս սահմանադրեցին ի դարս անցեալ ժամանակաց Հայրապետք և Հարք, Առաջնորդք և Վարդապետք Սրբոյ Հաւատոյս, և որպէս արժան համարեցին տնօրինել Գլուխդ Սրբոյ Եկեղեցւոյս մերոյ և ժողովք ուխտի նորին, ըստ պահանջելոյ ժողովրդեան մերոյ:

Ակն ունիմք զի ի շնորհս ջանից Վեհիդ մի յապաղեսցի և գումարումն ընդհանրական ժողովոյ, որ վերստին կանգնեալ ուղղեսցէ զցանկ հայրենի աւանդից և հաստատեսցէ զշինուած օրինաց Հայաստանեայց սուրբ և ուղղափառ Եկեղեցւոյ, ընդ հովանեաւ մեծի և պատուական Հայրապետիդ մերոյ:

Հայցելով զօրհնութիւն Հօրդ Սրբոյ ի վերայ ամենայն որդւոց քոց հարապատից, ժողովրդեան Հայոց, որք յիմում վիճակի աստ են, և յիմ իսկ, մնամ ի շնորհաց Տեառն մերոյ և Փրկչին և ըստ հաճութեան Սրբազան Հայրապետիդ

ԱՌԱՋՆՈՐԴ ՀԱՅՈՑ ԵԳԻՊՏՈՍԻ
ԹՈՐԳՈՄ ԵՊԻՍԿՈՊՈՍ

